



## SA EXAM PAPERS

---

YOUR LEADING PAST YEAR EXAM PAPER  
PORTAL

Visit SA Exam Papers

[www.saexampapers.co.za](http://www.saexampapers.co.za)



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESIBILI (P2)**

**INDLOVANA/INDLOVULENKHULU 2016**

**IMEMORANDAMU**

**EMAMAKI: 80**

**Lememorandamu inemakhasi la-20.**

**TICONDZISO TEKUMAKA**

1. Nangabe umhlolwa aphenzvule imibuto lengetulu kwaleyo lelindzelekile, maka timphendvulo letisekucaleni kuphela. (**Umhlolwa akumelanga aphenzvule indzabambhalo kanye nemibuto lemifisha encwadzini yinye.**)
2. Esigabeni A, nangabe umhlolwa aphenzvule ngato tonkhe totine tinkondlo (Tinkondlo letifundvwe eklasini), maka letimbili tekucala kuphela.
3. Esigabeni B na C (Lulwimi Lwasekhaya), nangabe umhlolwa aphenzvule imibuto lemibili kulemifisha nobe imibuto lemibili yetindzabambhalo, maka imphendvulo yekucala kuphela uyekele lelandzelako. Nangabe umhlolwa aphenzvule yomine imibuto, maka kuphela imphendvulo yembuto wekucala kuleso naleso SIGABA, ngaphandle kwekutsi uphendvule munye umbuto lonemibuto lemifisha namunye umbuto wenzabambhalo.
4. Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
5. Nangabe tinombolo tetimphendvulo tinemaphutsa, maka ulandzele imemorandamu.
6. Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, akunikwe limaki.
7. Umbuto wenzabambhalo: Nangabe indzabambhalo inemagama langaphasi kwalawo lemisiwe, umhlolwa akangajeziswa ngobe vele sewutijezise yena ngekwakhe. Nangabe indzabambhalo iyindze kakhulu, akahlolwe ngekwelikhono lakhe bese kucociswana nalabaphetse umsebenti wekumaka. **Akusetjentiswe irubhriki yekumaka indzabambhalo** lesesichibiyelweni A na B.
8. Imibuto lemifisha: Nangabe umhlolwa angakafaki bokhulumile nangabe kufanele acahune **akangajeziswa**.
9. **Emibutweni levulekile** bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
10. Emibutweni lefuna LICINISO/LIPHUTSA nobe LIPHUZU/UMBONO emamaki akangehlukaniswa emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

**SIGABA A: TINKONDLO****TINKONDLO LETIFUNDVWE EKLASINI****UMBUTO 1: UMBUTO LOYINDZATJANAMBHALO****NCAMUL'EMAVE – SR Mdluli****INDZATJANAMBHALO**

**Tizatfu letenta sonkondlo atsi, 'Sifungo sekutsi siyofa silahlane sisacinile,' ngaNcamul'emave.**

Sakhiwo sendzatjanambhalo kumele sivete *singeniso, umtimba nesiphetfo*.

**SINGENISO:**

Bahlolwa bangachaza sihloko, bangasho kutsi kuyini kufunga, nekutsi 'siyofa silahlane' kusho kutsini, kushiwo nakwente njani nekutsi kushiwo etimenti letinjani.

**UMTIMBA:**

Kungachazwa kabanti ngaloko lokubaliwe enkondlweni lokugcamisa tizatfu tekutsi sonkondlo afunge kutsi batawufa balahlane naNcamul'emave. Bahlolwa bangahle bavete emaphuzu lacuketse letizatfu letilandzelako: Sib.

- Kuba simomondiya – buhle bakhe.
- Kuba sikhikhikhi – kuma kwakhe.
- Kuba nguLomagadvula losishingishane – indlela lagijima ngayo.
- Kulalela angabi ngusonkhanise – kwenta lokufunwa ngumnikati.
- Kwetsembeka – kungahambi ema onakala endleleni.
- Kubhukula imincele aye kulamanye emave – kumyisa lapho afuna kuya khona.
- Livi lakhe leliphasi – kudvuma kwakhe.

(Nalokunye lokutizatfu letenta sonkondlo afunge kutsi bayewufa balahlane naNcamul'emave lokukhona kulenkondlo lokungakabalwa lapha ngenhla kwemukelekile).

**SIPHETFO:**

Bahlolwa basonga konkhe lebebakhuluma ngako emtimbeni wetindzatjanambhalo tabo, ngekusho tizatfu letibangela sonkondlo afunge kutsi batawufa balahlane naNcamul'emave kulenkondlo yakhe.

**BONA EMARUBHRIKI EKUMAKWA KWENDZATJANAMBHALO YETINKONDLO SICHIBIYELO A.****[10]****NOBE**

**UMBUTO 2: IMIBUTO LEMIFISHA****IWIL' INSIKA – SR Mdluli**

- 2.1 Lusizi/Kufelwa/Kweswela lebekwentiwa nguloshonile/buntsandzane, njll. (Naleminye imibono lenembako yemukelekile). (Kunye kwaloku). (1)
- 2.2 Ngumfelokati. (1)
- 2.3 Kugula/Tingoti/Tifo/Kuvele ulale uvuke ushonile, njll. (Naleminye imibono lenembako yemukelekile). (Kunye kwaloku). (1)
- 2.4 Usebentise lamacashata ngobe usafuna kuchubeka akhulume kabanti ngalokucola/kukhomba kutsi inkhulumo isachubeka. (1)
- 2.5 Ngumoya wekuhawukela nobe wekuvelana naloshonelwe/kumangala/kubabata, njll. (Naleminye imibono lenembako yemukelekile). (Kunye kwaloku). (2)
- 2.6 Kugcizelela lokuhle lebekwentiwa ngulensika lewile yentela inkhosikati yayo. (2)
- 2.7 Bantfu labake bashonelwa. Umphumela waloko kusukuma ucine uchubeke nemphilo. (Naleminye imibono lenembako yemukelekile). (2)

**[10]****NOBE****UMBUTO 3: IMIBUTO LEMIFISHA****NKHOSI YEMKHATSI – OA Bhiya**

- 3.1 Kukhanyiselwa/Kufutfunyetwa/Komiswa/Kukhuliswa, njll. (Naleminye imibono lenembako yemukelekile). (Kunye kwaloku). (1)
- 3.2 Usho kutsi lilanga nalingekho kuba mnyama, tonkhe tintfo letingavani nekukhanya titfola litfuba lekwentana nanobe yini letiyitsandzako/lokusemkhatsini kuyaphuma lilanga nalishonile, sib. Inyanga/tinkhanyeti, njll. (1)
- 3.3 Lilanga likhanyisela umhlaba wonkhe, likhanyisele konkhe lokungaphasi kwalo/konkhe lokudaliwe kukhanyiselwa lilanga. (Naleminye imibono lenembako yemukelekile). (Kunye kwaloku). (1)
- 3.4 Kucatsanisa kwemcondvo lokuphikako - tiyachakata tibune. (1)
- 3.5 Bantfu babalekela etindlini/emtfuntini/emantini/batsenge ticandzisi, njll. (Naleminye imibono lenembako yemukelekile). (Kubili kwaloku). (2)

- 3.6 Yinkondlo yetibongelelo tesimanje ngobe yonkhe lemigca yemphindvwa ibongelela nobe idvumisa lilanga, inkhosi yemkhatsi. (2)
- 3.7 Luchumanosiphambano.  
Bukhulu bakho - ngemandl' akho,  
Emandl' akho - ngebukhulu bakho (2)  
**[10]**

**NOBE****UMBUTO 4: IMIBUTO LEMIFISHA****IMFIHLO YETIMFIHLO – JJ Ncongwane**

- 4.1 Silinganisamcondvo, imfihlo –timfihlo. (1)
- 4.2 Ngoba injulamcondvo iba nelwati lolujulile njengemuntfu lowatiko, longusiyati. (1)
- 4.3 Letindzima atilingani, indzima 1 inemigca le-7 kantsi indzima 2 inemigca le-8. (1)
- 4.4 Budokotela/Umsebenti wekubelekisa/buhlengikati, njll.  
(Kunye kwaloku). (1)
- 4.5 Lemfihlo yembuleka nangabe umuntfu asashonile, ngobe kulapho kubonakala khona kutsi lusuku lwakhe lwekushona nguluphi. (2)
- 4.6 Tinyanga/Tingedla/Bodokotela/Bapholofithi, njll. (Naleminye imibono lenembako yemukelekile).  
(Kubili kwaloku). (2)
- 4.7 Indumba yindzawo lapho imitsi yetinyanga leyimfihlo ihlala khona. Munye umuntfu loyinyanga nobe lolugedla lowatiko kutsi lemitsi isebentani njengobe nekufa kwatiwa ngumuntfu munye longuNkuluNkulu. (Naleminye imibono lenembako yemukelekile). (2)  
**[10]**

**NA**

**INKONDLO LENGAKAFUNDVWA EKLASINI****UMBUTO 5****LANGA LE-AFRIKA – EB Tembe**

- 5.1 Lapho sekufika kukhanya/lapho bantfu sebafundzile/lapho sive sesikhululekile. (Kunye kwaloku). (1)
- 5.2 E-Afrika. (1)
- 5.3 Yimfundvo/Yimphumelelo/Yinkhululeko/Lwati, njll. (Kunye kwaloku). (1)
- 5.4 Ikhuluma ngemfundvo/ngenkululeko/kusuka ekucindzetelweni. (Kunye kwaloku). (1)
- 5.5 Kungafundzi/Yincindzetelo/Kungabi nalwati. (Naleminye imibono lenembako yemukelekile). (Kubili kwaloku). (2)
- 5.6 Kutsi bantfu bafundze/babe nelwati/bakhululeke/bangeyami kulabanye/batisungulele lokutsite ngemfundvo yabo/batfutukise i-Afrika, njll (Naleminye imibono lenembako yemukelekile). (Kubili kwaloku). (2)
- 5.7 Silinganisamcondvo, lilanga naliphuma, kuyashisa. (Naleminye imibono lenembako yemukelekile). (2)

**[10]****SAMBA SESIGABA A: 30**

**SIGABA B: INOVELI/TEMDZABU****UMBUTO 6: UMBUTO LOYINDZABAMBHALO****LIPHUME NEBOVU – BB Malangwane**

Sakhiwo sendzabambhalo kumele sivete *singeniso, umtimba nesiphetfo*.

**Tigameko letikhombisa simonhlalo semoya, nekuhambelana kwato nalesimo kulenoveli.**

**Singeniso**

Bahlolwa bachaza sihloko bavete kutsi emanovelini kunetimo letehlukene tetimonhlalo, sib. Sendzawo, sesikhatsi nesemoya.

**Umtimba**

Bahlolwa bangahle bavete tigameko letiveta sobala simonhlalo semoya enovelini, letifaka ekhasi leti letilandzelako:

- Kulamba KwalaMagagula: umoya bewushubile, kungekho kujabula ngendzaba yendlala.
- Kukhala kwaLaMagagula aye kaMfundisi: kunemoya webuhlungu, kuyakhulekwa kukhulekelwa kutsi LaMagagula angemuki – kunemoya wekukholwa.
- Kushona kwemtfwana waLaMagagula: umoya bewuwelusizi ngenca yebuhlungu benhlitiyo ngekushonelwa ngumntfwana, naLushawulo angabi khona kutewumngcwaba.
- Kugula kwaLahlophe: Simo besishubile, sibuhlungu ngobe Lahlophe bekacoshiwe ekhaya, Lushawulo angeti nekutewumbona esibhedlela ngenca yekukholelwa kutsi uloya bantfwabakhe, nekufa kwakhe kwaletsa umoya welusizi.
- Kuya emkhayeni: Simo besishubile, kushaywa kwaTitfombi emkhayeni, kwaletsa indzangalo ebantfwini nentfukutselo kuLushawulo wate washisa umuti waTitfombi.

(Naletinye tigameko letigcamisa simonhlalo semoya ngalokusobala letingakabalwa lapha temukelekile).

**Siphetfo**

Bahlolwa baphetsa tindzababhalo tabo ngekuveta tigameko letiveta sobala simo semoya, baphawule kutsi tiyabonakala nobe atibonakali tigameko letiveta simonhlalo semoya ngalokusobala.

**CAPHELA:** Bahlolwa kumele bacaphune tigameko letisenzabeni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C**

**[25]**

**NOBE**



**UMBUTO 7: IMIBUTO LEMIFISHA****LIPHUME NEBOVU – BB Malangwane**

- 7.1 Kuhambelana kahle kakhulu ngobe LaMagagula ugula nje usesibhedlela/konkhe kwenteka emabaleni esibhedlela. (2)
- 7.2 Kusuke kungenatincingo/lilayini lekuchumana lisuke lifile/kusuke kuphele imali elucingweni/kusuke kute inethiwekhi, njll. (Naleminye imibono lenembako yemukelekile). (Kubili kwaloku). (2)
- 7.3 Bekukholelwa kutsi utsakatfwa nguTintfombi/LaMagagula abehlushwa ngumtfwalo wesisu lanaso. (Naleminye imibono lenembako yemukelekile). (Kunye kwaloku). (2)
- 7.4 Belubangwa kungati kutsi simo semphilo yenina sesinjani/besibangwa natincingo letingasebenti/kujaka emsebentini, njll. (Naleminye imibono lenembako yemukelekile). (Kunye kwaloku). (2)
- 7.5 Wenta kahle kumngenisa, loko wakwenta ngobe bafundza kanye, uyamati futsi ungumngani wakhe. (2)
- 7.6 Labatsi ayikholweki: akukavami kutsi umuntfu lotsakatsako ativete ngekuyewulindza esigangeni kutsi kufe lowo lotsakatfwako/bekangagula ngobe utetfwele. Labatsi iyakholweka batawesekela ngekucaphuna encwadzini. (2)
- 7.7 BoKunene naNyoni bambonisa ngekutsi akasukume aye kubemanga ayewuva kutsi umuti wakhe ucedvwa yini. (2)
- 7.8 Bahlolwa batawusho imibono yabo ngesitsemu saLushawulo, sib.tento tasesitsenjini saLushawulo atijabulisi, kuyaloywa, kuyaliwa, kuyatondwana, njll. (2)
- 7.9 Bekadliswe nguTintfombi/abengahlali ekhaya, angaboni simo semuti wakhe/kunganaki temuti wakhe. (2)
- 7.10 Simonhlalo sendzawo labehlala kuso ngobe bekusesilumbini/edolobheni lapho kunebelumbi labanyenti khona/eJozi lapho kwenteka khona tintfo letehlukene njengato leti taTintfombi. (Naleminye imibono lenembako yemukelekile). (Kunye kwaloku) (2)
- 7.11 Usivete ngebantfwana baLaMagagula labalwela sikhokho/ngadzadze waboLaMagagula labemupha imphuphu/LaMagagula uya kumkamfundisi Mahlalela kuyewucela, njll. (Naleminye imibono lenembako yemukelekile). (Kubili kwaloku). (2)

7.12 Bekentela kutsi abe nebufakazi bako konkhe lokutawufike kwenteke emkhayeni/ngekwelisiko vele bantfu labadzala bayabikelwa nangabe kutawuyiwa emkhayeni/abefuna kutsi wonkhe umuntfu abe nebakubo labatamesekela/bekentela kwesekelwa kulokutawuphuma emhlahlweni. (Naleminye imibono lenembako yemukelekile).

(3)  
[25]

### NOBE

#### UMBUTO 8: UMBUTO LOYINDZABAMBHALO

##### **KUBAMBA LETINGELAKO – DE Nkosi**

Sakhiwo sendzabambhalo kumele sivete *singeniso, umtimba nesiphetfo*.

**Tigameko letikhombisa simonhlalo semoya, nekuhambelana kwato nalesimo kulenoveli.**

##### **Singeniso**

Bahlolwa bangachaza sihloko bavete kutsi emanovelini kunetimo letehlukene tetimonhlalo, sib. Sendzawo, sesikhatsi nesemoya.

##### **Umtimba**

Bahlolwa bangahle bavete tigameko letiveta sobala simonhlalo semoya enovelini, letifaka ekhasi leti letilandzelako:

- Kuncishwa indzawo yekuhlala kwaMphikeleli: umoya bewushubile ngalesikhatsi baphikisana naTsabetse amncisha indzawo.
- Kucoshwa kwaMphikeleli esikolweni: bekunemoya welusizi ngoba Mphikeleli bekafuna kufundza, waze welekelelwa nguMatsiya ngekummela kwaba nemoya wekujabula.
- Kuphendulana ngemavi naMagumeni emhlanganweni: umoya bewumubi ngobe Magumeni bekafuna kwentiwe intsandvo yakhe.
- Kukhetfwa kwaMphikeleli kutsi abe ngusosifundzave: umoya bewuwenjabulo ngobe bebajabulele imphumelelo yaMphikeleli, bekuphindze kube nemoya wekujabha kulabo lebebahambisana naMagumeni ngekungaphumeleli kwakhe.
- Kutfolana untfwana kwaKhulumile: bekunemoya wenjabulo ngobe umuti waZwane besewuvukile, wandza.

(Naletinye tigameko letigcamisa simonhlalo semoya ngalokusobala letingakabalwa lapha temukelekile).

##### **Siphetfo**

Bahlolwa bangaphetsa tindzababhalo tabo ngekuveta tigameko letiveta sobala simo semoya, bangaphindze phawule kutsi tiyabonakala nobe atibonakali tigameko letiveta simonhlalo semoya ngalokusobala.

**CAPHELA:** Bahlolwa kumele bacaphune tigameko letisenzabeni letesekela imibono yabo.

#### **BONA EMARUBHRIKI EKUMAKWA KWENDZABAMBHALO, SICHIBIYELO B na C**

[25]

### NOBE

**UMBUTO 9: IMIBUTO LEMIFISHA****KUBAMBA LETINGELAKO – DE Nkosi**

- 9.1 Bakhombisa ngekubhikisha/kutoyitoya/kukhipha tikhalo tabo emaphephandzabeni/kumabonakhashane/emisakatweni, njll. (Naleminye imibono lenembako yemukelekile). (Kunye kwaloku). (2)
- 9.2 NguMagumeni – ngobe tintfo latikhulumako tiphambene nekulunga tifana nebutsi bematse emfeti. (2)
- 9.3 Kumele lube neminyaka le-18 ngobe lutsatfwa njengebantfu lasebakhulile/ iminyaka le-18 itsatfwa njengeminyaka yalesebakhulile lomuhla. (2)
- 9.4 Lamanye emakhansela abonakala ebantfwini nasekusondzele lukhetfo/ ahambela imiti leminyenti/ahambela nebantfu bonkhe abagcugcutela ngelukhetfo/lamanye akantjintji ahlala ajabulela wonkhe umuntfu. (Kunye kwaloku). (2)
- 9.5 Bekentiwa ngumona wekubona kutsi onkhe emakhansela ayatinikela emsebentini lawunikwa nguMphikeleli/abelwela kutsi yena akakakhetfwa. (2)
- 9.6 Lusiba bekangumuntfu longatsatselwa enhloko ngobe abegulwa yingcondvo, kodwa lenkhulumo layishoko kuletheksthi iyevakala futsi yemukelwa ngibo bonkhe labasemhlanganweni. (Kunye kwaloku). (2)
- 9.7 Akazange asebente. Nanobe boSikhulu naMagumeni bebamkhuluma kabi, wagcina afundzile, akhetfwe waba yimeya wagcina angusosifundzave. (2)
- 9.8 Labanye bahlolwa batawutsi ngenca yebugebengu lesebugcwele kulamalanga/njengobe angasebenti abengeke akhokhe irenti, njll. (Naleminye imibono lenembako yemukelekile). (Kunye kwaloku, bese uyesekele). (2)
- 9.9 Imfanele ngobe wabuya ekudzingisweni/wakujabulela kuteka nekushada kwakhe kute abe nelikhaya/abehlupha Tsabetse ngekufa nekuphela kwelikhaya lakubo. (Kunye kwaloku). (2)
- 9.10 Mphikeleli wabitelwa dokotela Gamedze ngalesikhatsi agula, watomelaphela endlini/kwatsi lapho Khulumile sekufike sikhatsi sekutsi angene endlini, wabitelwa i-ambulensi yamusa esibhedlela. (Kunye kwaloku). (2)
- 9.11 Sikhulu Tsabetse abefuna kutsi Mphikeleli angabi yincenye leyaluswako ngekuta esikolweni, afuna kutsi abe ngumlalandle ngobe angenamelusi kantsi Mphikeleli yena abefuna kweluswa lapha esikolweni. (2)

- 9.12 Inkhanyeti yaKhulumile iyakholweka ngobe ekugcineni kwalenoveli Khulumile washada naMphikeleli, watfola umntfwana lowabitwa ngeligama leyise waMphikeleli, kwamjabulisa loko.

(3)

### NOBE

#### UMBUTO 10: UMBUTO LOYINDZABAMBHALO

##### **SILULU SEMASWATI – NC Nyembe**

Sakhiwo sendzabambhalo kumele sivete *singeniso, umtimba nesiphetho*.

**Balingisi labenta inganekwane ibe ngematekelo nekusetjentiswa kwetibongelelo kuveta kunjalo bemuntfu.**

##### **SINGENISO:**

Bahlolwa bachaza kutsi ematekelo ayinganekwane lenjani njengekuba nemlandvo nebalingisi labake baphila nekutsi emkhatsini wabo kube nalabo labewenta abe yinganekwane. Babuye bavete nendlela tibongelelo letiveta ngayo kunjalo bemuntfu lobongelelwako.

##### **UMTIMBA:**

Bahlolwa bangahle babaphawule ngalamaphuzu lafaka ekhatsi lawa lalandzelako:

##### **Mandlakhe:**

- Balingisi labake baphila emlandvweni njengalaba labalandzelako:
  - Inkhosi – lebeyibusa ngaleso sikhatsi.
  - Indlovukazi – unina waMandlakhe.
  - Mandlakhe – indvodzana yenkhosi lebeyicokwe kutsi itawulandzela inkhosi nayibeka phasi tintsambo.
  - Emadvodzana enkhosi – labamba Mandlakhe amfaka emhumeni
  - Indvuna yemphi. – leyatfola Mandlakhe emhumeni.
  - Inyoni – leyenta lamatekelo abe yinganekwane ngekukhuluma ibike ngekutfunjwa kwaMandlakhe.
- Bahlolwa bangaphawula ngekuphila kwalabalingisi nesikhatsi labaphila ngaso emlandvweni. Bangaphindze baphawule ngekutsi lenganekwane ibukeka ingumfanekiso walokwenteka ebukhosini ngobe labalingisi abaveli emlandvweni.

##### **Tibongo taNgwane II:**

Bahlolwa bangahle bavete loko lokusetjentiswe yimbongi kuveta kunjalo balobongelelwako lekungahle kufake ekhatsi loku lokulandzelako:

- Bunjalo bakhe.
  - Umbita ngaLulakane – lokusho kutsi bekanelulaka
  - Mbetsi wetidzandzane – lokukutsi bekangumuntfu lobekashaya emantfombatane kuze kwetfuke nemadvodza.
  - Wats' ubuk' emadvodza wachubekel' embili – lokusho kutsi bekangenandzaba nemadvodza lokungenteka kutsi bekangawesabi.
  - Chibi lasemhlosheni – abengakhulumeli futsi abindzile kodvwa lakucabangako kujulile njengelichibi lelibindzile kodvwa liyashona futsi liyesabeka.

(Naleminye imibono lenembako lengakabalwa lapha yemukelekile).

**SIPHETFO:**

Bahlolwa bangahle basonge ngekusho kutsi labalingisi bake baphila nobe abakaze baphile emlandvweni njengobe kusidzingo sematekelo babuye bavete nesikhatsi lebaphila ngaso. Bangahle bavete kutsi letibongelelo tiyamveta lobongelelwako kutsi ungumuntfu lonjani.

**BONA EMARUBHRIKI EKUMAKWA KWENDZABAMBHALO, SICHIBIYELO B na C [25]****NOBE****UMBUTO 11: IMIBUTO LEMIFISHA****SILULU SEMASWATI – NC Nyembe****UMBUTO 11(a)**

- 11.1 Ingwenya beyati kutsi kutfukutsela angeke kuyisite ngalutfo ngobe ingagcina ilahlekelwe yinyama yayo lese iyitfolile. (2)
- 11.2 Imibono itawehluka, sib. tayidla ngenca yendlala/yahamba yayotfolala lenye indzawo yekuhlala. (Kunye kwaloku) (2)
- 11.3 Sicongo silapho ingwenya seyidvonsa indlulamitsi ifuna kuyimitisa emantini. Loko kusicongo ngobe sisombulula kutsi ingwenya ayimange iphumelele kumitisa indlulamitsi. (2)
- 11.4 Simonhlalo sendzawo sibeka indlulamitsi esimeni lesibi ngobe yona ayikwati kuhlamba, kantsi kumele iye ekhatsi emantini. (2)
- 11.5 Tetsamelilwati tingamangaliswa bungani bengwenya nendlulamitsi ngobe indlulamitsi iyinyama yengwenya lekumele ibaleke nayibona yona. (2)
- 11.6 Siyahambisana, ngobe ingwenya beyisebentisa bucili bekwenta indlulamitsi umngani wayo kantsi ifuna kuyidla, yehluleka ngobe lingekho licili lelatikhotsa emhlane. (2)
- 11.7 Kuvuma: Kunebangani labatisondzeta kulabanye kantsi bafuna inzuzo letsite/ kukhohlisana kwebangani/labanye bangani bahlakaniphile bafana nendlulamitsi, bayabona nabasetjentiswa bese basima etjeni/emphilweni bantfu kufanele babone timo tabo bangafuni kufana nalabanye. (Naleminye imibono lenembako yemukelekile).  
Kuphika: Labaphikako kumele besekele ngaloko lokwenteka lomuhla. (3)

**[15]**

**UMBUTO 11(b)**

- 11.8 Tifundziswa/Belumbi/Bomengameli bakulamanye emave/Bantfu labaphakeme, labanetikhundla letisetulu, njll. (Naleminye imibono lenembako yemukelekile). (Kunye kwaloku). (1)
- 11.9 Wancoba ngekuhlala kukhulunywane kute kungacitseki ingati/wavikela imphi ngekukhulumisana. (Naleminye imibono lenembako yemukelekile). (Kunye kwaloku). (1)
- 11.10 Watalwa ngemnyaka we-1918, atalelwa eveni leMachosa/lobongelelwako watalwa ngemnyaka we-1819 lapho kwaba nekujabula esiveni seMachosa. (1)
- 11.11 Kutigcabha ngekuba ngum-Afrika/kungatikhobosi ngekuba mnyama/kutigcabha ngelibala lakho, njll. (Naleminye imibono lenembako yemukelekile). (Kunye kwaloku). (1)
- 11.12 Ugcugcutela kutsi bafundzi beLibanga le-12 nabo bafise kuya emanyuvesi lafana neFort Hare njengalobongelelwako. (2)
- 11.13 Bantfu bamhlonipha ngekunikela ngemaminithi la-67 esikhatsi sabo ngenyanga yeNkhwenkhweti ngekwenta imisebenti lebeyitawujabulisa Madiba nangabe abesaphila/bantfu balandzela imphilo yakhe/bagcina imiyalo yakhe/kucanjwa tindzawo ngaye/kwakhiwa tikolo netibhedlela, njll. (Naleminye imibono lenembako yemukelekile). (Kubili kwaloku). (2)
- 11.14 Kwetfulwa kwengadzibe (sigcoko) kusho kuhlonipha. Loko kukhombisa kutsi lobongelelwako abehlonishwa. (2)

**[10]****SAMBA SESIGABA B: 25**

**SIGABA C: UMDLALO****UMBUTO 12: UMBUTO LOYINDZABAMBHALO*****KWAHLWA EMINI – JJ Thwala***

Sakhiwo sendzabambhalo kumele sivete ***singeniso, umtimba nesiphetho.***

***Indzabambhalo ngekusetjentiswa kweludvweshu lwangaphandle kanye netigameko leticuketse loludvweshu.***

**Singeniso**

Bahlolwa bangachaza sihloko bavete kutsi ludvweshu luyincenye yesakhiwo semdlalo lokusetfulo, ludvweshu, sicakacaka, sicongo nesiphetho. Bangabuye bavete nekutsi ludvweshu lwehlukaniswe kabili, lwangaphandle nelwangekhatsi.

**Umtimba**

Bahlolwa bangahle bavete tigameko letiveta sobala ludvweshu lwangaphandle letifaka ekhasi leti letilandzelako:

- Sigameko sekulwa ngemagama kwaMakhosi naNkhanise kubangwa kucokwa kwaMakhosi kutsi abe yinkhosi emva kweyise.
- Sigameko sekuphikisana ngemagama kwaNtfwasahlobo naLaJele kubangwa kutsi LaJele akhulume liciniso ngaNkhanise.
- Sigameko sekuphikisana KwaLaHlatjwako naMakhosi ngekutsi ayowelashwa nguNdzabeni, angafuni.
- Sigameko sekuphikisana kwaMakhosi naSifiso ngekuyewuhlasela licembu lemfelandzawonye.
- Sigameko sekufa kwaNdleleni abulawa nguSicongo acabanga kutsi ubulala Makhosi, naSicongo ashayisa etjeni afa.

(Naletinye tigameko letigcamisa ludvweshu lwangaphandle letingakabalwa lapha temukelekile).

**Siphetho**

Bahlolwa bangaphetsa tindzababhalo tabo ngekuveta kutsi lukhona nobe alukho ludvweshu lwangaphandle lolusetjentiswe ngumbhali njengencenye yesakhiwo semdlalo.

**CAPHELA:** Bahlolwa kumele bacaphune tigameko letisemdlalweni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C [25]**

**NOBE**

**UMBUTO 13: IMIBUTO LEMIFISHA****KWAHLWA EMINI – JJ Thwala**

- 13.1 Bekatewufuna umsebenti wekuba yinhloli/Ndleleni abefuna kutsi Makhosi amente umuntfu wakhe, aphume ecenjini lakhe. (2)
- 13.2 Unentfombi lenguLungile latsandzana nayo njengawo onkhe emajaha anyalo. (2)
- 13.3 Kukhetfwa munye umdlali emkhatsini walaba labalandzelako:  
Makhosi: - Wetseke kahle ngobe ukhetfwe waba yinkhosi yaseLusizini.  
Lungile: - Ngumntfwana lolungile lolandzela inhlonipho ngekungangeneli tindzaba talabadvuna.  
Ndleleni: - Naye wetseke ngemphumelelo ngobe utsandza kuhamba, uhlala asendleleni, netibongelelo takhe tiyasho kutsi uhlala asendleleni. (2)
- 13.4 Nawungendlula kuwo ugijima, utfolwe ngulinye enhloko ungalala umlalela wafutsi. (2)
- 13.5 Lijaha leLiswati litsandza tinkhomo, ekucaleni kwalomdlalo bakhuluma ngemadlelo netinkhomo kantsi nemafa lababelwa wona atinhlobo letehlukene tetinkhomo. Ngaloko Nkhanise njengeLiswati abefuna tinkhomo. (2)
- 13.6 Wentela kutsi kungabi natihibe tembango longaphazamisa kubekwa kwaMakhosi esihlalweni, umsebenti uhambe kahle/wentela kususa Nkhanise ngembi kwemcimbi kungakaze kube netiwiliwili. (2)
- 13.7 Umuntfu lomsikati akaphendvuli tindzaba tebantfu labadvuna nakukhulunywa/ akafuni kubangena emlonyeni/akatingeni tindzaba temadvodza. (2)
- 13.8 Sibumbene kakhulu ngobe sikhuluma ngaMakhosi naNkhanise bacocisana ngekunikwa bukhusi lokungiyi ingcikitsi yalomdlalo locuketse umbango webukhusi. (2)
- 13.9 Kutfolakala lapho Ndzabeni afuna kwelapha Makhosi ngalokungemukeleki kantsi Mkhalelwa abecabanga kutsi utamelapha kahle njengenkhosi letawutsatsa sikhundla njengekumetsemba/Ndzabeni ulumba sijula lesitawubulala Makhosi/Ndzabeni uvuma kuMkhalelwa kutsi utawenta kahle umsebenti kantsi utawenta lokuphambene nekulunga. (2)
- 13.10 Tifundza kutsi labaphasi bakhona bayaphila futsi bayakwesekela kuko konkhe lokucelwa kubo/tifundza kutsi nobe ungeke welashwe ngemutsi kodvwa sikhundla singaba sakho kute lokubi lokungakuvelela, njll. (Naleminye imibono lenembako yemukelekile). (Kubili kwaloku). (2)
- 13.11 Yincenye yemphilo yasebukhehleni, ngiyi leyamenta wancuma kubeka phasi tintsambo tebukhusi atinike Makhosi. Saba yimphumelelo ngobe Makhosi wacina ayinkhosi. (2)



- 13.12 Labanye batawutsi bayakholweka ngobe vele esitsenjini akuvanwa, ngulowo nalowo uma nemntfwanakhe njengobe bebenta boLaJele naLaHlatjwako. Labatsi abakholweki kumele besekele, njll. (Naleminye imibono lenembako yemukelekile).  
(Kubili kwaloku).

(3)  
[25]**NOBE****UMBUTO 14: UMBUTO LOYINDZABAMBHALO****UMVUZO – NS Nzima**

Sakhiwo sendzabambhalo kumele sivete *singeniso, umtimba nesiphetfo*.

***Indzabambhalo ngekusetjentiswa kweludvweshu lwangaphandle kanye netigameko leticuketse loludvweshu.***

**Singeniso**

Bahlolwa bangachaza sihloko bavete kutsi ludvweshu luyincenye yesakhiwo semdlalo lokusetfulo, ludvweshu, sicakacaka, sicongo nesiphetfo. Bangabuye bavete nekutsi ludvweshu lwehlukaniswe kabili, lwangaphandle nelwangekhatsi.

**Umtimba**

Bahlolwa bangahle bavete tigateko letiveta sobala ludvweshu lwangaphandle letifaka ekhasi leti letilandzelako:

- Sigameko sekucabana kwemndeni wakaBhembe newakaFakudze ibanga indlela yekukhulisa bantfwana.
- Sigameko sekuphikisana ngemagama kwaLaNgwenya naLaMbuli ngendzaba yekwesekela bantfwana esikolweni nekutsi Satile ayofundza naBatjele entsabama nangeMigcibelo.
- Sigameko sekuphikisana kwaLaNgwenya naLaMbuli ngendzaba yekuletsa belaphi bendzabuko batewucocisana nebantfwana esikolweni.
- Sigameko sekuphikisana kwaBatjele atjela Satile naMlandzeli ngekuyekela tindlela letimbi.
- Sigameko sekuphikisana kwebafundzi ngalesikhatsi kucanjwa emagama etikhungo tesikolo.

(Naletinye tigateko letigcamisa ludvweshu lwangaphandle letingakabalwa lapha temukelekile).

**Siphetfo**

Bahlolwa bangaphetsa tindzababhalo tabo ngekuveta kutsi lukhona nobe alukho ludvweshu lwangaphandle lolusetjentiswe ngumbhali njengencenye yesakhiwo semdlalo.

**CAPHELA:** Bahlolwa kumele bacaphune tigateko letisenzabeni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C.**

[25]

**NOBE**

**UMBUTO 15: IMIBUTO LEMIFISHA****UMVUZO – NS Nzima**

- 15.1 Inyango kulapho kugcinwa khona kudla lokutawusetjentiswa kamuva nasekudzingekile. Netifundvo tephothifoliyo tigcogcelwa ndzawonye kute emamaki ato asetjentiswe nasekulungiselelwa kuphela kwemnyaka. (2)
- 15.2 Emamaki emaphothifoliyo agcugcutela umfundzi kutsi abone indlela lasebenta ngayo emkhatsini wemnyaka/emamaki emaphothifoliyo asetjentiselwa kuchibiyela nangabe umfundzi angamange akwati kubhala sivivinyo sakhe ekupheleni kwemnyaka/umfundzi uyakwati kubona emaphutsa akhe kute awalungise kusenesikhatsi/thishela uyabona lekumele akugcizelele etifundvweni tebafundzi bakhe, njll. (Naleminye imibono lenembako yemukelekile). (Kubili kwaloku). (2)
- 15.3 BoFakudze naBhembe bebahambele umhlangano njengobe kwentiwa etikolweni talomuhla. Umehluko lokhona kutsi akukavami kutsi batali bachazelwe ngalokutfolakala kumaphothifoliyo ebafundzi nekutsi kucocwe ngako. (Naleminye imibono lenembako yemukelekile). (Kubili kwaloku). (2)
- 15.4 Bentela kutsi batali bakwati kusita bantfwababo lapho bakhona khona/ bentela kutsi babe bofakazi balokwentiwa bantfwana babo etikolweni/bentela kutsi batali nabothishela batane. (Naleminye imibono lenembako yemukelekile). (Kubili kwaloku). (2)
- 15.5 Abengasitfoli kahle sikhatsi sekufundza ngenca yemsindvo webantfu labanatsako/abengalutfoli lusito lolubuya ebatalini bakhe/abengavunyelwa kuyewufundza naBatjele ntsambama. (Naleminye imibono lenembako yemukelekile). (Kubili kwaloku). (2)
- 15.6 Kungasatibandzakanyi nabo/kwehla kwemisebenti yabo/emahemuhemu etento labebatenta ngasese, njll. (Nalamanye emaphuzu lanembako emukelekile). (Kubili kwaloku). (2)
- 15.7 Bafundzi kumele babe netinjongo temiphumela labafuna kuyizuza nasebafundzile/igcogca timilo tebafundzi ngobe kumele bahambe ngekwemiphumelamcoka naletfutfukisako/bafundzi nabothishela bayakwati kubona labakuhlosile ngemfundvo labayentako, njll. (Naleminye imibono lenembako yemukelekile). (Kubili kwaloku). (2)
- 15.8 Bakhuluma ngemifundzate lenikwa labafundzako, lekhona nalomuhla/ bakhuluma ngetitfutsi letitfutsa bafundzi/bakhuluma ngetikhungo talabadzala tekuchubekisa imfundvo, njll. (Naleminye imibono lenembako yemukelekile). (Kubili kwaloku). (2)

- 15.9 Umgcibelo bekulilanga lekutsi Satile abasite emisebentini yasekhaya/bebacabanga kutsi Satile angahle aye etindzaweni takhe tekuganga abe atsi uya esikolweni/bebafuna kutsi naye ayisebentele lemali lemfundzisako. (Naleminyeye imibono lenembako yemukelekile). (Kubili kwaloku). (2)
- 15.10 Kucocisana nebafundzi ngetifundvo letentiwako lapho bafundzi babuta khona imibuto yetintfo labangatati/thishela ubati ncono bafundzi bakhe, nebafundzi bamati kancono thishela wabo/bafundzi batfola lwati lolusha, njll. (Naleminyeye imibono lenembako yemukelekile). (Kubili kwaloku). (2)
- 15.11 Bafundzi betsa emagama etikhungo letifana nemitapo yetincwadzi, emahholo, tinkhundla, nalokunye, ngekusebentisa emagama ebantfu, tinhlobo tetihlahla, imifula, njll. Loko akukabumbani nengcikitsi yalomdlalo ngobe kungasiwo umsebenti webafundzi kucamba emagama etikhungo njengobe Litiko Letemasiko linelikomiti lekumele lente lomsebenti, futsi akusiyo incenye yaloko labakutele eMkhuphukantsaba. (Naleminyeye imibono lenembako yemukelekile). (Kubili kwaloku). (2)
- 15.12 Sihloko salomdlalo sichaza ngalokusobala kutsi kulabadlali bawo bakhona labatawuvuza lokutsite ekugcineni. Sib.
- Batjele – abecotfo etifundvweni takhe, wavuza imiphumela lemihle.
  - Satile – wagcina ehlike etifundvweni, enta imikhuba lemibi, wagcina avuze kwemukelwa esibhedlela.
  - Mlandzeli – ngetento letimbi tetidzakamiva, kunatsa nekuhamba ebusuku wavuza kuya ejele.
  - Thishelanhloko waseMkhuphukantsaba – wavuza imiphumela lemihle yebafundzi bakhe labafana naboBatjele. (Naleminyeye imibono lenembako yemukelekile).
- (Badlali lababili kuphela). (3)  
[25]

**SAMBA SESIGABA C: 25**  
**SAMBA SAKO KONKHE: 80**

**SIGABA A: IRUBHRIKI YEKUHLOLA INDZATJANAMBHALO YENKONDLO [10 EMAMAKI]**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
<b>LOKUCUKETFWE</b>  Kuchazwa kwesihloko Kujula kwemibono, Kwesekela nekuvisiswa kwetheksthi  <b>7 EMAMAKI</b>	-Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe enkondlweni -Luhlobo lwembhalo kanye nenkondlo kuvisiswa ngemalengiso	-Sihloko sichazwe ngelicophelo lelisetulu kukhomba kusivisisa -Emaphuzu ekwesekela ayevakala kodwa akaketfulwa ngendlela lelindzelekile -Luhlobo lwembhalo kanye nenkondlo kuvisiswa ngelicophelo lelisetulu	-Sihloko sichazwe ngalokwenetisako -Akhona lamanye emaphuzu lamahle lesekela sihloko ngalokwenetisako -Leminye imibono yesekelwe kodwa esikhatsini lesinyenti bufakazi abukholweki -Luhlobo lwembhalo kanye nenkondlo kuvisiswa ngalokwenetisako	-Kuchazwa kwesihloko akwenetisi -Kulukhuni kutfola emaphuzu lesekela sihloko -Luhlobo lwembhalo kanye nenkondlo akukavisiswa kahle	-Sihloko asikavisiswa nakancane -Akukho kucaphuna enkondlweni -Luhlobo lwembhalo kanye nenkondlo akukavisiswa nakancane
<b>SAKHIWO NELULWIMI</b>  Sakhiwo, Kuhleleka nekwetfula Kusetjentiswa kwelulwimi, umoya, nesitayela  <b>3 EMAMAKI</b>	-Sakhiwo lesibumbene ngemalengiso -Imibono yakhiwe yahleleka ngalokucace ngemalengiso -Lulwimi, umoya nesitayela kuvutsiwe futsi akunamaphutsa -Emaphutsa eluhlelo, sipelingi netimpawu tekufundza kuyindlala	-Sakhiwo lesicacile lesinemibono lehleleke ngelicophelo lelisetulu -Imibono letfuliwe iyalandzeleka -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kubumbana nekuhleleka kwemibono kuyenetisa -Lulwimi lunemaphutsa langasho lutfo; umoya nesitayela kuyenetisa	-Sakhiwo sikhomba emaphutsa ekuhlela -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akukemukeleki	-Sakhiwo lesingemukeleki nakancane -Imibono ihlangahlangene -Lulwimi lolunemaphutsa lamanyenti nesitayela lesingemukeleki -Umoya nesitayela akwemukeleki nakancane
<b>KWEHLUKA KWEMAMAKI</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>

**SIGABA B NA-C: IRUBHRIKI YEKUHLOLA INDZABAMBHALO – YENOVELI NEMDLALO [25 EMAMAKI]**

<b>Timphawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFWE</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
Kuchazwa kwesihloko Kujula kwemibono, Kwesekelwa nekuvisiswa kwetheksthi  <b>15 EMAMAKI</b>	-Imphendvulo leneminingwane lengemalengiso lababatekako: 14–15 Imphendvulo leneminingwane lengemalengiso langababateki: 12–13 -Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe etheksthini -Luhlobo lwembhalo kanye netheksthi kuvisiswe ngemalengiso	-Imphendvulo leneminingwane lesecophelweni lelisetulu -Sihloko sichazwe ngelicophelo lelisetulu kukhomba kusivisa -Lamanye emaphuzu ekwesekela ayevakala kodvwa akaketfulwa ngendlela leindzelekile -Luhlobo lwembhalo kanye netheksthi kuvisiswa ngelicophelo lelisetulu	-Sihloko sichazwe ngalokwenetisako kodvwa akusito tonkhe tinhlangotsi leticikelelwe ngalokuphelele -Akhona lamanye emaphuzu lamahle lesesekela sihloko ngalokwenetisako -Lamanye emaphuzu esekelwe kodvwa esikhatsini lesinyenti bufakazi abukholweki -Kukhona lokusilele ekuvisiseni luhlobo lwembhalo kanye netheksthi	-Sihloko sichazwe ngekunyanyalata ngaphandle kweminingwane lesekelako -Ambalwa kakhulu emaphuzu lafanele kwesekela sihloko -Kuncane kakhulu kuvisiswa kweluhlobo lwembhalo netheksthi	-Kuncane kakhulu kuvisiswa kwesihloko -Mncane kakhulu umzamo wekuphendvula umbuto -Imibono ayikholweki -Luhlobo lwembhalo kanye netheksthi akukavisiswa nakancane
<b>SAKHIWO NELULWIMI</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
Sakhiwo, Kuhleleka nekwetfula Kusetjentiswa kwelulwimi, umoya, nesitayela  <b>10 EMAMAKI</b>	-Sakhiwo lesibumbene -Singeniso nesiphetho lesingemalengiso -Imibono yakhiwe yahleleka ngemalengiso -Lulwimi, umoya nesitayela kuvutsiwe futsi akunamaphutsa	-Sakhiwo lesicacile lesinemibono lehleleke ngelicophelo lelisetulu -Singeniso nesiphetho kanye naletinye tindzima kuhleleke ngalokubumbene -Imibono ihleleke ngelicophelo lelisetulu -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kuhleleka nekubumbana -Kuhleleka nekubumbana kwemubono kuyenetisa kodvwa kunemaphutsa -Lulwimi lunemaphutsa lambalwa; umoya nesitayela kuyenetisa Kuhleleka kwetindzima kuyenetisa	-Sakhiwo sikhomba emaphutsa ekuhlela -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akwemukeleki Kuhleleka kwetindzima kunemaphutsa	-Kungahleleki kahle kwesakhiwo kukhinyabeta kubumbana kwemibono -Emaphutsa elulwimi nesitayela lesingakemukeleki kwenta lombhalo ungabi yimphumelelo -Umoya nesitayela akwemukeleki -Tindzima tihlangahlangene
<b>KWEHLUKA KWEMAMAKI</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>